

重脩浙江通志稿

第一百〇三册
宗教

卷之四

四

四

四

四

四

四

四

卷之四

重脩浙江通志稿

第百三冊 宗教

前浙江通志館稿
浙江圖書館騰錄

內部資料

六朝時代浙江釋氏傳目錄

- 一、習禪科
- 二、明律科
- 三、感通科
- 四、遺身科
- 五、讀誦科
- 六、興福科
- 七、雜科



六朝時代浙江釋氏傳初稿

習禪科

帛僧光

支曇蘭

僧從

慧明

以上東晉

以上宋

竺曇猷 附慧開 慧真

淨度

曇超

以上齊

禪教之學，最初傳入漢地者，當推漢桓帝初年，來洛陽之安息國人安清。字世高，故傳一稱世高。博曉經藏，尤精阿毗曇學，諷持禪經，備盡其妙。又卷十二云：自遺教東移，禪道亦授。先是世高法護譯出禪經，僧光曇猷並依教修心，終成勝業。故能內踰喜樂，外折妖祥，擯鬼魅於重巖，覩神聖於絕石。又祐錄載：道安安般守意經序云：昔漢世之末，有安世高者，博聞稽古，特專阿毘曇學。其所出經，禪教最悉。是世高匪惟為傳小乘禪觀於漢土之鼻祖，且為初期入浙修禪諸師所繼承。東晉義熙初年，罽賓禪匠佛跋陀比丘，憇涼州沙門智嚴之要請，踰越沙險，達於關中。（此據皎傳三智嚴傳附見）若據同書卷二佛跋陀跋陀羅傳，則謂跋陀自罽賓捨衆辭師，度越蔥嶺，路經六國，南至交趾，附舶循

海乃至青州東萊郡登陸。往長安從羅什。但跋陀既共智嚴一同東歸。自以前說為正。其循海北上之說。出於祐祿卷十四。不可從。跋陀在長安大弘禪業。尋被姚秦舊僧謗黷。率弟子慧觀等南至廬岳。應慧遠法師之請。譯出達摩多羅禪經二卷。觀佛三昧海經六卷。跋陀後更於建康之瓦官寺教習禪道。以二據祐祿九皎傳二內典錄三譯經紀二開元錄三貞元錄五。跋陀弟子智嚴前在蜀賓時。先從佛大先比丘諮受禪法。漸染三年。功踰十載。佛大先見其禪思有緒。特深器異。及後偕跋陀東歸。閩中常相依隨。尋跋陀橫為秦檜所擯。嚴亦分散。憩於山東精舍。坐禪誦經。勵力精學。晉義熙十三年。始與公王恢從宋武帝西伐長安。游觀精舍。見嚴與其同侶。各坐繩牀。禪思湛然。延請南遷建業。住始興寺。恢以嚴性虛靜。志避諠塵。更於東郊為起積園寺。至是則跋陀門徒除玄高等。杖策西秦。轉從外國禪師曇無毘學禪道外。其餘率來南土矣。跋陀博通群經。又妙解色空。然則江東禪門之宏傳。實跋陀師弟轉相授受之功也。又羅什常應僧叡之請。為抄集鳩摩羅陀以訖馬鳴等七禪師之禪要。為出生禪三昧經三卷。稱菩薩禪。叡既獲之。日夜修習。遂精練五門。善入六靜。故宣傳廿六云。自釋教道東。心學唯歎。逮於晉世。方聞叡公。此菩薩禪於什公亡後。由其徒慧觀。於劉宋景平元嘉間。傳至建業。亦即道宣所謂智嚴慧觀勤心於

江東是也。六朝時代浙中修靜者。東晉有僧尤曇猷。曇蘭。宋有淨度。僧從齊有曇超。慧明。輯習。

帛僧光。或云曇光。未詳何許人。少習禪業。晉永和初。遊於江東。投剡之石城山。山民咸云。此中舊有猛獸之災。及山神縱暴。人蹤久絕。光了無懼色。雇人開翦。負杖而前。行入數里。忽大風雨。羣虎號鳴。光於山南見一石室。乃止其中。安禪合掌。以為棲神之處。至明旦雨歇。乃入村乞食。夕復還至石室。經三日。乃夢見山神。或作虎形。或作蛇身。競來怖光。光一皆不恐。經三日。又夢見山神。自言移往章安縣韓石山住。推室以相奉。爾後薪採流通。道俗宗事。樂禪來學者。起茅茨於室側。漸成寺舍。因名隱嶽。光每入定。輒七日不起。處山五十三載。春秋一百一十歲。晉太元之末。以衣蒙頭安坐而卒。眾僧咸謂依常入定。過七日後。怪其不起。乃共看之。顏色如常。唯鼻中無氣。神遷雖久而形骸不析。至宋孝建二年。郭鴻任剡人。山禮拜。試以如意撥胃。颯然風起。衣服消散。唯白骨在焉。鴻大愧懼。收之於室。以磚疊其外而泥之。畫其形像。于今尚存。高僧傳卷十二。五料分六學。僧傳卷二十四。兩浙名賢外錄卷五十七。康熙紹興府志卷五十八。民國嵊縣志卷十八。

竺曇猷。或云法猷。燉煌人。少苦行。習禪定。後游江左。止剡之石城山。乞食坐禪。嘗行到一壺家。乞食。猷呪願竟。忽蜈蚣從食中跳出。猷快食。無他興。寧中。

移始豐赤城山石室坐禪有猛虎數十蹲在猷前猷誦經如故一虎獨睡猷以如意扣其頭問何不聽經俄而群虎皆去有頃壯蛇競出大十餘圍循環往復舉頭向猷經半日復去赤城山山有孤巖獨立秀出千雲猷搏石作梯升巖宴坐接竹傳水以供常用禪學造者十有餘人王羲之聞而故往仰攀高絕致敬而及赤城巖與天台瀑布靈溪四明並相連屬天台懸岩峻峙峯嶺切天古老相傳上有佳精舍得道者居之雖有石橋跨澗而橫石斷人且莓苔青滑自終古以來無得至者猷行至石橋聞空中聲曰知君誠篤今未得度却后十年自當來也猷心悵然乃退還以晉孝武帝太元八年卒於山室晨猶平坐而舉體綠色義熙末隱士褚世標入山登巖故見猷屍不朽時又有慧開慧真等亦善禪業入餘姚靈秘山各造方丈禪龕於今尚存高僧傳卷十二神州三寶感通錄卷三嘉定赤城志卷三十五太平御覽卷六百五十五神分六學僧傳卷二十四神僧傳卷二天台山方外志要卷四兩浙名賢外錄卷五十七古今圖書集成神異典卷一百二十六天台縣志卷十一

支曇蘭青州人少蔬食樂禪誦經三十萬言時時口吐青蓮花香彌山谷晉太元中游剡後憩始豐赤城山見一處林泉清曠而居之一日有金甲神身長數丈屈膝自言此乃弟子世居大師德重願推室相奉遂鼓角凌虛而去世傳為韋鄉山神也晉元熙中卒于山春秋八十有三矣高僧傳卷十二剡錄卷三十三嘉定赤城志卷三十

五本平御覽卷五百五十六古今圖書集成神異典一百二十四天台方外志要卷四兩
浙名賢外錄卷五十七古今圖書集成神異典一百二十四天台方外志要卷四十一
淨度餘杭人少好游獵嘗射孕鹿墮胎鹿母銜痛猶就地舐子度乃心悟
因摧弓折枝出家蔬食誦經三十餘萬言常獨處山澤坐禪習誦若邑中有齋
集輒身然九燈端然達曙以為供養如此者累年後忽令弟子辨香湯洗浴說
法數十章誠以生死因果言訖奄然而化簫鼓香煙自空而至同時春屬數十
人皆所聞見高僧傳卷十二神異典卷一百三十四兩浙名賢外錄卷五十七
僧從未詳何許人稟性虛靜隱居始豐瀑布山學兼內外精修五門不服
五穀惟餌麥粟年重百歲而氣力休疆禮誦無輟與隱士朱伯玉為林下之交
每論道說義輒留連信宿後終於山中高僧傳卷十二神異典卷一百三十四
天台縣志卷十一

曇超姓張清河人形長八尺容止可觀疏食布衣一中而已初止都龍華
寺元嘉末南游始興遍觀山水獨宿樹下虎兕不傷大明中還都至齊太祖即
位被敕往遼東宏讚禪道停彼二年大行法化建元末還京俄又適錢塘之靈
隱山每一入禪累日不起一日忽聞風雷之聲俄見一人乘笏而進稱嚴鎮陳
通須臾又一人至形甚端正羽衛連翩下席禮敬自稱弟子居在七里灘住周
此地周密也承法師至故來展奉富陽縣人故冬鑿麓山下為埽侵壞龍室羣

龍共忿誓三百。不雨。今已百餘日。井泉枯涸。無論田禾。法師既道德通神。欲
 屈前行。必能感致甘霖。潤澤蒼生也。超遂南行。經五日至赤亭山。為龍咒願。至
 夜。群龍悉化人形。來詣超。所禮拜。超更說法。因乞三飯。其夜又與超夢云。本因
 忿立誓。法師既導之以善。輒不敢違命。明日晡時。當降雨。至期大雨沾足。歲以
 獲收。超以永明十年卒。春秋七十有四。高僧傳卷十二。科分六學。僧傳卷六。十
 浙名賢外錄卷五。七。古。今。國。書。集。成。神。異。典。卷一百三十二。光緒靈隱寺誌
 慧明。姓康。本康居人。祖世避地於東吳。明少出家。止章安東寺。齊建元中。
 與沙門共登赤城山石室。見猷公尸骸不朽。而禪室荒蕪。高蹤不繼。乃雇人開
 剪。更立堂室。造卧佛。並猷公像。於是棲心禪誦。畢命枯槁。後於定中見一女神。
 自稱呂姥。云常加護衛。或時有白猿。白鹿。白蛇。白虎。遊戲堦前。馴服宛轉。不令
 人畏。齊文宣王聞風。祈挹頻遣三使。慙慙敦請。乃暫出京師。到第。文宣敬以師
 禮。少時辭還山。苦留不止。於是資給發遣。以建武之末。卒於山中。春秋七十。高
 僧傳卷十二。兩浙名賢外錄卷五。十七。古今圖書集成卷一百三十二。天台縣志
 卷十。民國臨海志續卷二十八。

明律科

智稱

以上齊

僧祐

以上梁

六朝時代興浙省有開之兩大律師傳

當姚秦弘治六年，罽賓沙門弗若多羅，於長安逍遙園誦出十誦律。梵本羅什度為秦文，三分獲二餘，未及竟而多羅遺疾棄世。西域沙門曇摩流支，賈此經自隨。以弘治七年秋，達於關中廬山，釋慧遠聞流支既善毘尼，希得律部究竟，乃遺書通好，勸請流支畢此經本。開示梵行，流支得書，乃與羅什共出所餘十誦一部都畢。凡五十八卷，文煩未刪。後有罽賓沙門卑摩羅叉，先在龜茲弘闡律藏，四方學者競往師之。鳩摩羅什時亦預焉。聞什在長安，大弘經藏，又欲使毘尼勝品復洽東國，乃於弘治八年來游長安，什以師禮敬待。又亦以遠遇欣然，及羅什棄世，又以安帝義熙年中，自秦適晉，止壽春石澗寺，重校十誦律本。改最後之成善法事一誦，為毘尼誦名品，遂正分六十一卷。頃之南適江陵，於新寺開講，又既通昔言，善相領納，遂使析文求理者，其聚如林。律藏南被，羅叉之力。以上據皎傳二及十三祐錄三大唐錄三開元錄三及四貞元錄五及六。然六朝時代，律學不盛於浙，其於浙江有開之律師，僅得智稱僧祐二人。智稱姓裴氏，河東聞喜人，魏冀州刺史徽之後也。祖世避難，寓居京口，稱幼而慷慨，頗好弓馬。年十七，隨王元謨甲坦北討獫狁，每至兵交血刃，未嘗不心懷怛痛。深諸己卻，乃歎曰：「害人自濟，非仁人之志也。」事寧解甲，遇讀瑞應經，乃深

生感悟知百年不期國城非重乃投南澗禪房宗公請受五戒宋孝武時從益州印禪師於蜀裴寺出時年三十有六乃專精律部大明十誦又誦小品一部後東下江陵從隱具二師受禪律值義嘉構亂乃移北京師遇穎公於興皇講律稱誥法隱遠發言中詣一時之席莫不驚嗟定林法獻於講席相值聞其往復清玄仍攜至山寺於是溫誦小品研構毘尼後餘杭寶安寺釋僧志請稱還鄉開講十誦雲棲寺復屈為寺主稱乃受任少時舉其綱目示以憲章頃之反都文宣請於普宏講律僧眾數百皆執券承旨尋還京憇安樂寺法輪常轉講大本四十餘篇齊永元三年卒春秋七十有二著十誦義記八卷盛行於世傳十三科分六學僧傳十二兩浙名賢外錄五十七古今圖書集成神異典一僧祐本姓俞氏其先彭城下邳人父世居於建業年十四家人密為訪婚祐知而避至定林投法達法師達亦戒德精嚴為法門梁棟祐師奉竭誠及年滿具戒執操堅明初受業於沙門法穎穎既一時名匠為律學所宗祐乃竭思鑽求無懈昏曉遂大精律部有邁先哲齊竟陵文宣王每請講律聽眾常七八百人永明中勅入吳試簡五眾並宣講十誦更伸受戒之法凡獲信施悉以治定林建初及修繕諸寺并建無遮大集捨身齋等及造立經藏搜校卷軸使夫寺廟廣開法言無墜咸其力也祐為性巧思能自準心計及匠人依標尺寸無爽故

光宅嶺山大像刻縣石佛像等。並請祐經始。準畫儀則。梁武帝深相禮遇。凡僧
事碩疑。皆勅就審決。以天監十七年卒於建初寺。春秋七十有四。因窆於開善
路西。定林之舊墓也。初祐集經藏。既成。使人抄撰要事。為三藏記。法苑記。世界
記。釋迦譜。及弘明集等。皆行於世。高僧傳。十三高僧傳。似孫。刻錄三嘉泰會稽志。十
三。二康熙。紹興府志。五十六。民國。新昌縣志。十四。民國。嵊縣志。十八。案嘉泰會稽
志。云。剡縣石像。是祐授準式。先是建安王。開始豐。令陸咸。剡溪之夢。以僧護所
造石像。上奏。有詔祐董其事。天監十五年。告成。舊說祐宣律師前身也。

感通科

史宗

善慧大士

以上東晉

以上陳

法璽

僧安

以上齊

以上北齊

史宗者不知何許人常著麻衣或重之為衲故世號麻布道士身多瘡疥性調不恒常在廣陵白土埭憑埭謳唱引絃以自欣暢得值隨以布施人棲憩無定所或隱或顯時高平檀祇為江都令聞而召來應對機捷無所拘滯博達稽古辯說玄儒乃賦詩一首曰有欲苦不足無欲亦無憂未若清虛者帶索披玄裘浮游一世間汎若不繫舟方當畢塵累棲志且山邱檀祇知非常人遣還所在遺布二十匹悉以乞人（乞與也）後南游吳會嘗過漁梁見漁人大捕宗乃上流洗浴群魚皆散其潛拯物類如此後憩上虞龍山大寺善談莊老究明論索而韜光隱跡世莫之知會稽謝邵魏邁之放之等並篤論淵博皆師事焉後同至沙門夜聞宗共語者頗說蓬萊上事曉使不知宗所之陶淵明記白土埭遇三異法師史宗其一也或云有商人海行於孤舟上見一沙門求寄書與史宗置書船中同侶欲看書書著船不脫及至白土埭書飛起就宗宗接而將去高僧傳卷十科分六學僧傳卷二十九兩浙名賢外錄卷五十七

法匱本姓阮於潛人少出家為京都祇園寺法楷弟子楷素有學功特精經史瑯玕王與王肅並共師焉匱為性恭默少語樸然自守不涉人事誦法華經一部寺有上座僧法師老病匱從為依止營護甚多及勝亡殯葬如法每齋會得值聚以造栴檀像像成自設大會其本家僑居京都大市是旦還家又至

定林復還枳園後三處考覆皆見匱來中食實是一時而三處赴焉爾日晚還房卧奄然而卒屍甚香輒手屈二指眾感悟其得果時猶為沙彌而靈蹟殊異遂聞於武帝帝親臨幸為會僧設供文惠文宣並到房頂禮為營理殮葬百姓雲赴觀施重疊仍以所得利養起枳園寺塔是歲齊永明七年也稿僧傳卷十傳卷二十九兩浙名賢外錄卷五十七廣賓西天目祖山志卷古今圖書集成神異典卷一百三十二

善慧大士姓傅名翕字玄風東陽郡烏傷縣雙林鄉稽亭里人烏傷即今義烏縣也父名宣慈字廣愛母王氏世為農以齊建武四年丁丑歲五月八日生端靖淳和無所愛著少不學問時與里人漁每得漁常以竹籠盛之沉水中祝曰欲去者去止者留時人以為愚梁天監十一年十六歲娶劉氏名曰妙光有子二人曰善建善成普通元年二十四泝水取魚於稽停塘下遇一胡僧號嵩頭陀語大士曰我昔與汝於昆婆尸佛前發願度眾生汝今兜率宮中受用悉在何時當還大士瞠目而已頭陀曰汝試臨水觀影大士從之乃見圓光寶蓋便悟前因乃曰鑑籙之所多鈍鐵良醫門下足病人當度眾生為急何暇思天宮之樂乎於是棄漁具攜行歸舍因向修道之地頭陀指松山下雙檣樹曰此可矣即今雙林寺是大士於此結菴自號雙林樹下當來解脫善慧大士種植蔬果為人傭作與妻妙光畫作夜歸敷演佛法苦行七年一日宴坐次見